

ST-MARCEL

Dè ieui vén-téi lou noun Vatican ?

Dén lou viouc tèn, lou Vatican l'ïye lou noun d'èn tsantéi dè Romma, di djè dret di *Tevere*, fran in fasse di Tsan dè Mars è a drèite di *Gianicolo*.

Damproumì l'ïye an léitse mousan-a è umida, bièn rangan-a, maque bon pè lardzi. Tchica apréi, *Agrippina* y a to fé dè dzardén dè 'è crouè vacco î fon dè la clèiva.

Toudzor lé pè lou Vatican, l'ampèreur Nèron y a fé fae in pitchou tchirco privó; lé didén 'on itó tcho lè prumì martire crétchèn, è in permì dè 'eutte, cou l'apôtre Pière, què l'è itó interró fran lé.

Dèi adòn, 'ic tsantéi l'è vén-uc in 'émitério, tan pè lè payèn què pè lè crétchèn, tanque î tèn dè l'ampèreur Coustantén, què éntre 326 è 333 apréi Jézù Cric, y a baillà odre dè fae implan-ì lou 'ondzón dè la crétèlò pè llèi fae batic la prumie bazilécca dédiaye a sèn Pière.

L'è maque dèi l'an 1870 què lou Vatican l'è la rézidanse di 'èn Pae; î Mouayèn Adzo lluc itove didén lou palas di Latràn è pi tar y a tramou-se didén d'otre importante batisse dè Romma, coumèn lou *Quirinale* què î dzor dè oué l'è la rèsidanse di prèzidàn dè la rèpeblecca italièna.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Préi de :

*Conte pe le petchoù de inque - Contes pour les enfants d'ici
Tome II, Histoires d'animaux*
Rita Decime, Musumeci Editeur, Quart (Ao) 1984

Texte publié en 2008 sur « La Luge »
Collaborateur de Saint Marcel pour la traduction: **Rosaura Démé**
La transcription a été soignée par le Guichet Linguistique